





玉山名勝外集

紀寄贈玉山主人篇什



姚婁東往玉山因書以寄

柯九思

相逢何事且徘徊
澤國桃花岸岸開
見說衡陽南去
路秋深無雁寄書來



次李士廉韻東玉山

張舜咨

書樓槩几石
嶄然晴雪飛來太華顛
墨本秘函枯樹
賦牙籤插架白雲篇
清心求友先同調
華髮逢人豈
問年共惜分陰珍
雅玩封侯疑不到
為肩

春日雨窓寄玉山徵君

趙英

出窓談笑話平生三十年間幾度更白髮滿頭今已
老青山排闥故多情桃花灼灼應無語春雨蕭蕭尚
未晴明日扁舟好携酒南村笋蕨正堪烹

寄于匡山索荔枝漿就東玉山 陳基

早春相見又經秋秋水迢迢阻汎舟每見玉山問消
息荔枝何日寄江樓

觀玉山中牡丹有感

搖搖紅霧一枝斜看舞東風兩髻娃堪笑年年未歸
客借人池館賞春花

索陽莊瓜寄玉山

柯九思

穀雨初乾可自由荷鉏原上倦還休醉迷芳草生春
夢誰識東陵是故侯

懷玉山西墅

李璣

西墅出期每自知晚來無物不宜詩白蘋點綴秋波
遠紅樹流連落照邊親老正當貧賤日身輕唯荷聖
明知可能便把投竿手來問漁莊覓釣絲

余寓玉溪適錢洞雲居士往廬山過予求詩
得觀玉山頽仲瑛辭翰不能忘情謹附二十
八字以期後會云 黃文德 泮中

玄圃仙人吾未識聞說玉山種春色昨夜洞雲天際

來明月空齋坐相憶

玉山中即景一絕

陳聚天台

楊柳絲絲一徑斜
碧溪循繞野人家
東風二月春如海
開徧一山桃李花

夏日寄玉山主人

張天英

赤日行天氣欲焚
樹根群蟻正紛紛
道人心在羲皇上
睡殺青松一枕雲

鐵心子買妾歌

楊維禎會稽

鐵心子好吹簫
侶簫史自恰乘鸞之伴
今老矣笛聲忽起
藍橋津鉄心一寸柔
如水明朝夢綠華
還過玉

山家羞澁簧初煖
韶嫩月新芽
玉臺為我歌
唯酒山

香為我舞巾花
玉山人鉄心友
左芙蓉右楊柳
綠華

今年當十九
一笑千金呼不售
肯為楊家奉箕帚
為

君不惜珠量斗
玉山人下鏡臺
難輕財如土
重義

如丘山娶妻遺
牧犢子奪妾向沙
叱蠻鉄心子結習

纏苦無官家勅
賜錢五雲下覆
韋郎牋香蘭一夜
驚

夢天玉山種壁三千年

秋懷奉寄玉山主人

陳基天台

江上秋陰十日多
思君不見奈愁何
風高澤國來鴻雁
雨入汀洲落芰荷
公子文章裁瑞錦
佳人衣袖剪

輕羅画船亦欲溪頭去聽唱花間緩緩歌

次郭羲仲韵柬玉山人

張希賢 師賢

故人一隔紅雲島相見銀屏七夕前花近小山當鶴
一溪迴踈柳覆書船參差清吹流星漢饕餮文彛散
玉烟更擬此君亭子上醉歌烏帽集群賢

題玉山人壁

栢子庭

杖雪穿雲雨濕衣我来君出兩相違茶邊聽得仙童
語學士朝朝向晚歸

寄玉山索蘭花

張師夔 舜咨

許我猗蘭葉有光報君墨竹節尤蒼秋期坐我又峯

下清閨出香道味長

玉山齋中題

楊維禎

玉山有如海上升年来長憶玉山游樓臺隱隱盡臨
水高橋橫卧如牽牛

春日有懷玉山主人

梨花枝外雨冥冥宿酒朝来尚未醒倚砌宜男偏姁
娜隔窓鸚鵡太丁寧紫鸞簫管和瑤瑟金鴨香爐倚
綉屏青李来禽臨已徧定從白鵠授黃庭

寄芝雲堂主人

顧思敬

雲煖出亭長紫芝昔年曾許鶴来期短筇空倚清江

上滿目春愁兩鬢絲

次鉄崖蚊字韵呈玉山懷鄭廣文楊鉄崖

楊慶源宗善

玉山草堂絶蕭爽漁父唱歌溪外聞春風醉醒椰子
酒夜月夢落梨花雲文章獨許楊太史詭浪同時鄭
廣文東歸常懷文人室六月地冷無飛蚊

有懷玉山徵士

近聞東觀藏書室乃在崑崙玄圃臺群玉山頭海月
出武陵溪上漁舟來故人十載草堂別仙家九九桃
花開太白時時吹鉄笛對酌花前鸚鵡杯

寄草堂主人

浣花溪上讀書亭海國光搖處士星三月東風迷錦
樹半天南斗射青萍誰騎仙鶴吹笙過自醉小花枕
石聽多有故人麟閣上帝前應說草堂靈

戲東草堂主人

陳敬德

嘉樹蕭森六月涼上有凌霄百尺長秋風莫剪青青
葉笛取清陰覆草堂

和書画舫聯句韵

李廷臣天台

樽桑旭日紅半壁草色如天青滿簷入海雀群應化
蛤逐風龍唾或生鹽長雲帶水連三島落月和星轉

四檐靈穴惟鯁潮捲尾中山老兔頽尖仙姬具飯
青精細庖吏儲鮮異味厭翠釜出馳行玉益綉悻薰
麝啟銀匱吹簫公子鸞皇語擊劍將軍虎豹髯郢雪
飄飄詩總好葡萄灑灑酒頻添酣歌更上層樓頂萬
頃波光上下黏

代簡玉山徵君

釋寶月伯明

西關送別晚山青一舸秋風去宵冥未審幾時過竹
院燒香煮茗夜談經

白鶴觀題寄玉山主人

于立

我住城中五十日念子終日不相忘驛回隴首梅未

發雁過沙頭書幾行田間雞黍酒正熟霜後園林橘
半黃日後東歸同一醉酣歌不減少年狂

同郊九成過玉山舟中聯句

楊維禎

城角初升旭日暹艸樓東向起遐瞻鰲頭直下癡雲
暗楊鷓尾徐開破浪恬野色微明金水曲郊清江隱
見玉山尖雨收幕燕簷牙起楊風颭檣烏帆腹添波
影白翻鷗箇箇郊燒痕青出麥纖纖弋來野鷺毛全
蛻楊筍得冰魚口尚噉解籜土萌蓮葍苦郊澗醅新
盎蜜脾甜避船好鳥機先識楊入座江花手自拈未
必江山惟客有郊也知吏隱許吾兼桃花不隔仙源

路詩就寧辭晷刻淹楊

湖光山色樓口占

楊維禎

天清望不遠逸興晚來多
新月弦初上秋華酒半醅
水光搖玉塵山色舞金楊
我愛逃名者出樓在澗阿

代東

李廷璧 元圭

芝雲堂上西窓夜剪燭傳杯
共話時寒月半窓親下榻
出人滿座對吟詩無兒守舍
馮唐老有客分金鮑叔知
回首玉山空悵望封題聊為
寄相思

余嘗夜夢從彥成飲彥成曰
此荔枝漿也飲之令人壽子
能為我賦之當贈三百壺余
因口占

一詩覺乃夢也乃會仲瑛聞彥成釀酒果名荔枝漿以夢白之不覺大笑仲瑛曰君當書此詩吾當與子致酒以負所夢因莞爾書之彥成見此必更大笑也

陳敬初

原州莫漫許葡萄中小枉說酒為醪
仙人自釀真一酒洞庭春色嗟徒勞
瑤漿滴盡生荔枝玉露瀉入黃金
卮一杯入口壽千歲安用火棗并交
梨不願青州覓從事不願步兵為校尉
但令喚鶴更呼鳶日日從君花下醉

聞夜來過春夢樓贈小芙蓉樂府恨不得從游

戲呈二十八字代東玉山主人 郊九成
金帛香銷月上邊 玉人扶醉寫新詞
勝游不記歸來夜 春夢樓前倚馬時

余以蜜梅徽紙二束寄贈玉山辱以詩謝用韵
填廓聊復雅意 陸靜遠 名德厚

玉色疇能似硬黃 酸辛敢傲出青房
品題奕奕歸年少 慚愧華顛作漫郎

近會彥成聞玉山草堂落成繞屋植梅數十本
題寄 陳敬初

聞說草堂春信早 梅花無數向南栽
主人每愛凭欄看 佳客從教著屐來
風靜池塘鳴翠羽 雪殘庭際見蒼苔
閒居未許安仁賦 天上黃金正築臺

過綽墩舟中奉寄玉山 郭翼

綽墩樹色青如薺 蕩裡張帆曉鏡開
烏日峰高雲北下 白沙湖濶水西來
菰漿打雨鳴還止 鷓鴣迎船舞却迴
好入甌源張渥西 祇慚楊馬是仙才

九月五日宿維亭秀峰清暉軒相望玉山十里
許明日將過溪上先此奉寄 良琦

秋日滄江采白蘋 扁舟一夜繫江濱
政緣齊已能留客 却憶虎頭相邇鄰
桐樹西邊茅屋靜 芙蓉深處水

亭新明朝定醉山中酒去脫賀公頭上巾

秋夜獨坐有懷玉山徵君 郊九成

庭樹葉初落鵲飛驚早秋玉繩猶未轉星漢忽同流
楊柳離亭思芙蓉別浦愁美人隔烟渚滄海信悠悠

招飲野航亭柬謝玉山主人 姚子章

野航蕩秋水式燮娛佳賓昔人酒令圖一行當一新
即君跨鞍馬快踏西風塵國色明皓齒天香墮舞袖
祇愁草茅咏形穢珠玉濱

奉謝玉山假僦屋 楊鈇崖

玉山長者有高義乞與山人僦屋金駟馬一時皆上

客青娥三日有遺音西山湧海當秋後南斗流江入
夜深更報大茅張外史興來須抱小雷琴

寄玉山人 茅貞子固

乾坤具佳氣湖海有佳山隱凡人如玉臨流水若環
心游塵物表身在畫圖間擾擾趨名者安知爾許間

奉同鈇崖賦寄玉山 李廷玉

玉山溪路接仙源漁郎繫船老樹根望海樓臺浮蜃
市開門湖水落清尊珠光弄月寒丹室石氣酣雲煖
藥園聞說鍊仙曾此宿吹簫清夜洞庭翻

懷玉山一首書珠簾氏便面 鈇崖

五月江聲入閣寒故人西望倚闌干珠簾新卷西山
雨第一峰前獨自看

玉山以詩見招用韵奉答 其一

君泛脂江我泛婁沙棠小漿木蘭舟醉吹鏡笛珠簾
底端為風光刺史笛

其二

滄樓詩招蕭史鳳蓮艇或踏琴高魚捲盡芙蓉秋萬
頃瀛州信有玉人居

正月八日詣草堂不遇舟中錄寄 王巽

鼓枻溪頭動曉行衣裳潤浥露華清東風移艇浪花

起出鳥避人霜羽輕片玉峯寒松倚秀草堂春早柳
含情山人領鶴之何處惆悵歸來雨滿城

玉山同予招客泛湖舟中偶成 良琦

平湖春水綠于苔公子邀賓錦纜開碧海晴光搖桂
楫玉峰清影落金杯也知賀監風流在不似王猷雪
後來自是綺筵容野客近人鷗鷺不驚猜

蕭史趙信卿謁玉山昆弟且欲登碧梧翠竹之
堂詩以道其行 郭羲仲

金粟池頭花皜皜綠陰亭下樹冥冥一曲重聞蕭史
過月明憶上鳳皇翎

寄于彦成兼柬玉山徵君 漫興一首 羲仲

三月既望出北郭草堂尊姐特風流戴花一任巾幘
岸酌酒直將車轄投骯髒倚門徒自惜慵踈與世豈
無謀青春正好莫嫌晚取次習家池上游

早起口占寄玉山

張小山

蠟槐樹下夢不成抖擻白雲出帶星沿籬切切候虫
語循溪瀈瀈新潮鳴自憐頭顱已脫髮未了案牘猶
勞形黃塵汨汨高没人何時解纓濯清冷菖蒲潭上
有神人玉山草堂睡未醒

武陵春繞曲寄玉山

張楠渠

武陵春曉花冥冥漁歌蘭棹搖殘星溪涵山氣淥如
酒出禽啼破松烟青天上晴聞鳳皇曲金門飛夢人
初醒長嘯銀臺月將落空翠著衣香霧薄忽見安期
蓬海東劍珮從風降玄鶴陽烏郢火懸扶桑袖卷紅
雲朝帝旁手攬龍車覩天光下視螳國空千霜

東玉山徵君兼五老貞士

陸仁

武陵流水淥于膏原上新堤只種桃春冰欲泮魚負
蒸快雪時晴鶴在臯悔見相如傾一座祇須王濬夢
三刀車箱塵滿東華路痴絕如君隱最高
王子岡頭雪未消玉山池館鬱岩窈美人辭賦宗枚

乘仙客風流似子喬竹裡行厨通一徑柳邊飛閣渡
瓊橋澧蘭沆芷思無那心與車旌日在搖

同吳國良過玉山草堂輒賦長句奉寄

倪璣

玉山樹色隱朝陽更着漁莊近草堂何處唱歌敲款
乃隔雲濯足向滄浪珍羞每送青絲絡佳句多投古
錦囊幾向掉船尋好事辟疆園圃定非常

冬至日試筆奉寄玉山主人

李元珪

馳逐為家貧陽生歲又新鬚眉半將白天地一間人
梅萼香東閣桐陰靜北鄰玉山有佳士念我走風塵

承遺竹枝輒賦近體以寄

衛仁近 華亭

草野只在玉山中未識風流顧愷之鴛冷綉衾春病
酒蠟消銀燭夜敲碁每懷鳳皇栖梧樹輒倚烏皮唱
竹枝昨夜闌干明月上惱人簫管不勝吹

七月十五醉臥三賢閣夢玉山隱君會稽外史

與迂生來山中觴酒松石間樂甚予擬太白
寫長句一章及寤山月在沐林聲蕭瑟惘然
若有所失因足成夢中語以紀神交契會之

意云爾

元璞

龍門與天通鳥道當絕壁青天掛石鏡倒影太湖碧

飛亭壓清湍出客時游觀千崖古雪積六月松風寒
仙人揮玉塵扣門避秋暑不意麋鹿群忽識鸞皇侶
脫巾長松陰展席風滿林青苔委玉佩白石鳴素琴
淒青草樹色照映瑤瑤質山靈獻神異鹿女將花入
班棘促詩成玉手飛金甃岩花與澗草鮮艷閨才情
會稽足風流支道非謔浪因造許詢葦氣宇稍跌宕
浮生百年期綠髮易成絲生當聖明世不樂復奚為
古人皆黃土感慨心欲折何如杯中物醉倒石上月
月出山霧開天香下空來酒罷上馬去木末清須哀
約日坐芝秀軒所相愛厚者盧君伯融來君子

英陸君良貴每過必談仲瑛園池亭館之盛山
木水竹之盛文章翰墨相與蒸縝者則有鉄崖
仙人匡廬逸士今年春敬初歸自京師即留玉
山所敬初乃僕之深于氣類者適見近製亦烏
得而不動情也哉又聞欲過江上竊自忻喜蓋
友朋契濶苟非晤集曷能不傾倒也謹賦詩四
詩以懷四君且寓繾綣之意云時至正庚寅十
一月十有八日也淮海秦約文仲

懷楊廉夫

昔年射策龍墀日曲宴瑤林識聖顏天樂流音琪樹

杪星文重彩喬雲間長楊五柞曾誇賦駟馬成都復
見還東觀老人行奏對三朝國史待重刪

懷陳敬初

青青蘭芷照春袍春雨流昉綠滿皋秦國總傳歌駟
鉄却無復賦高旄神魚衝岸江濤起威鳳萊林海
日高何似桐花花樹下玉罌鸕杓汎香醪

懷玉山人

柳塘飛閣画橋低蒹石聽鶯淑景移不但鄭莊偏好
客也知顧况最能詩采鉛日出辛夷塢洗玉春明菡
萏池多少東華冠佩者相逢都說虎頭痴

懷于彥成

丹閣綉楹凌紫霞琅玕芝草延清芬寶冠正憶匡廬
老玉文曾愛華陽君笙鏞夜奏三珠樹鳶鵠晨朝五
色雲山中仙氣渾如蓋不緣高致遠人群

大痴仙四和予籠字韵自謂效錢仙艷体予首
作益未艷也再依韵用義山無題補艷體且馳
寄果育老人老人腸胃有五色綉文者也不必
數痴仙菜肚子句一笑兼東玉山主客自當爭

一籌爾

楊維禎

千枝燭樹玉青葱綠紗人江霧空銀甲擘絲斜雁

柱熏花撲被熱鴛籠仙人掌重初承露
葵子腰輕欲受風寒食愴公詩已就
華房自擣守宮紅

東玉山人

呂恒德常

玉山佳處玉山居聞道方壺一事無
萬箇琅玕菓翡翠千年琪樹倚珊瑚
瑤臺酒醉金莖露珠閣香燒鵲尾
爐何日來省金粟影月明花影倩人扶

和羲仲韻東玉山

瞿智榮

莫怪清狂似滴仙乘涼遠過玉山前
紫簫夜動黃姑渚翠被風生越鄂船
雲樹亭臺全却暑蓉花簾幙半浮烟
賦詩刻燭良宵飲知是衣冠不乏賢

近體二首寄玉山并柬彥成

陳敬初

武陵溪水碧灣灣窈窕出期不可攀
戴勝桑間飛自得王睢洲上語相閑
歌成桃葉臨流和采得蘋花帶月還
見說荔支漿已熟不分涓滴到人間
南州五月尚兼衣白紵憲問未脫機
青李來禽書不至荔支盧橘賦多違
水晶簾箔圍晴晝艾納爐薰逗夕霏
為問成都城裡客葛陽花發幾時歸

賦詩上簡

鄭元祐

顧家絹似雞子皮趙生画似鮫人機
冰絲瑩滑始受

采天蒸絢爛方含輝海波金色暈日上溪裊翠錯春
洲肥漁郎出港布繩網野老問渡褰裳衣試問何從
有此景領在筆底縱橫揮

立春十日試老溫筆懷郭呂兩才子并東玉山

主人

楊維禎

東風入戶已十日江上可人殊未來西呂小書藏鍊
鏤東郭新詩到玉臺向人好月垂垂滿巔屋名花故
故開多情多付婁江水桃葉桃根共載回

春立有懷二首

郭羲仲

二月作客楊家巷東望滄浪眼欲醒雲樓吐氣蛟蜃

紫海戶送色蓬萊青也知奔走非吾事直以踈慵任

性靈別後憶君兼日夜滿江風雪况如馨

客裡青春愁不禁月頭月尾雨陰陰海棠結菜花匝
匝楊柳滿門江淺深竟日笙囊寒未解臨池盤筆晚
絲斟諸郎怕有來舟興恠殺喧喧鵲報音

至正九年四月二十日元璞舟過江郊枉勞衰

寂承近懷多慰元璞言歸賦七言近體一通

問訊遥寄玉山主人

吳克恭

玉山長夏草堂幽老愛從君十日留醉語支離歡不
記歸來爛熳憶相求風迴柳浪搖歌扇月出荷花映

彩舟可念江湖搔白首還將衰朽問湯休

和玉山蚊字韵

李仲虞

玉山見說多清事湖上相逢慰所聞
五色石英流湛露千年芝草卷層雲
絲桐細細鶯鶯語仙袂飄飄鳳
鵠文月出酒醒吹鏡笛草堂風動響秋蚊

次玉山分題韵四首

頻年種豆繞幽居深巷蕭條意不如
日晏炊烟分井臼春前草色上階除
清時自分耽詩癖白晝休嫌生
事疎祇憶桃源種桃者秋江多致鯉魚書

仙館索迂洞壑幽草堂三日為君留
白鷗波浪春江

夢玄豹文章霧雨秋誰謂阮生多曠達亦知賀監最
風流才高不得題鸚鵡重儼登樓賦未休

玉山樹色倚青冥酒閣風微酒易醒
移席絕憐江柳碧鈎簾更愛竹書青
白雲盡日春團蓋靈石何年夜
隕星却笑虎頭痴絕甚盡將詩句寫春屏
海上青山積翠嵐望中雲氣似湘潭
水光入夜樓陰直月色當江樹影涵
只惜鄭莊能好客亦知王衍愛
清談誰云酒債尋常有我得詩名取次慚

雜言一章道中奉懷玉山主人

陸良貴

來時薜蘿綠歸時薜蘿黃楊柳蕭瑟鳴蜩蟬
帖帖高

翻雁南翔雁南翔懷故鄉夫君遠在婁之陽玉壺青
絲唱窈窕荷花落日權相將

次韵答謝仲瑛

鄭明德

扁舟不亂白鷗群又復移家入水雲載酒可無人問
字揮毫故有客書裙荒涼漢室銅盤淚剝落周宣石
鼓文猶借顧循能慰藉江湖冷落見番君

碧梧翠竹堂留別會稽外史

王禕

梧竹含標接翠蕤秋風又到桂花枝玉山本是神仙
宅滄海空留汗漫期自惜太虛能下榻平生子不
吟詩牧羊歸去金華裡從此令人貴夢思

律詩二首奉寄玉山徵君

郊九成

仙人愛向桃源住曲曲雲林勝輞川秋水到門船似
屋青山當檻樹如烟常時待月溪邊立最愛梳頭竹
裡眠我有好懷春夢遠題詩還到草堂前
徵君一月不出屋客來喜值清秋時會稽錄事應當
別笠澤高僧定賦詩新月忽從溪上出清樽還向竹
間移殷勤持寄子高士切勿愁吟兩鬢絲

和九成韵寄玉山主人

文質

我愛虎頭公子賢高懷歷歷瀉長川酒樽花底分秋
露茶灶竹間生白烟日落漁莊聽雨坐風微草閣看

雲眠西涼進士曾留別應說相逢十日前
玉山之堂風日好高居共喜值清時紫簫度曲頗行
酒彩扇分題那賦詩溪樹積陰疑雨過水花流影若
雲移白頭有約漁莊上我亦歸來理釣絲

奉懷玉山主人兼柬九成于匡山 陸仁

馬鞍山色兩峰尖時送飛雲落西檐金雀焚蘭烟嬾
嬾銀鴉舞隊月纖纖語調鸚鵡花連屋影拂鷓鴣水
動簷綠想清游共于鵠定多賦詠照牙籤

律詩二首寄懷玉山 聶鏞 茂宣

美人昔別動經年幾見菱江夕月圓恠底清塵從此

隔每懷詩句向誰傳桃溪日冥垂綸坐草閣秋深聽
雨眠安得百壺春釀綠尋君還上木蘭船

虎頭公子最風流只着仙人紫綺裘築溪爰臨溪側
畔鉤簾坐見水西頭常時把筆題江竹最憶看山立
釣舟却羨多才子逸士清秋不厭與君留

次韵答玉山 鄭元祐

誰似癡侯孫子賢燕賓歌舞闌清妍門前岸脚占潮
訊葦裡琴音候客船海氣若浮山隱玉野光純淨月
當川人生得意須行樂莫遣閑愁到酒邊

同陳敬初移字韵懷玉山 陸仁

玉山松桂接雲垂誰擬封居比茜危春草池頭詩
好桃花源上掉頻移平原好客心俱醉宋玉多情夢
亦癡不接清談總十日日凭江閣起遐思

次廉夫韵寄玉山

顧敬

玉山出深草堂好翠竹森森映白沙粟里歸來陶令
宅桃花開處杜陵家風來野樹笛歌鳥雨入溪流送
落花我欲問津從此去天涯何處有星槎

夜坐懷玉山匡山二君子

陳基

良夜殊未央明星一何爛懷人阻層城邈若河與漢
栖鵲驚露叢落葉依井榦撫梧不成彈惻惻空浩歎

春游期過龍門不至兼懷雲臺

良琦

春堊看山駐小車如何不到野人居澗中萼菜空尋
摘石上松花浪掃除王謝風流真不忝已休禮法向
來疎欲憑茗蕨將清意為致行厨醒醉餘

寓笠澤有懷因風奉寄

陳基

我愛玉山嘉樹林草堂終歲有餘陰巢安翡翠春雲
煖憲近芭蕉夜雨深寶篆焚香笛睡鴨絲牋行墨寫
來禽萬竿修竹休教洗日日平安報好音

寓婁江寄梧竹主人

李昶 茶陵

翳翳林木交蕭蕭簷宇靜于焉脫塵鞅偶坐愜所性

初忻景物佳稍覺緣想淨一與梧竹親寧忘五君咏
小言問疾兼懷匡山人
瞿智榮

東江漾漾春流濁西郭深深輒跡殊放浪久無狂賀
老風流獨有病相如門前者竹不題鳳溪上賞花多
釣魚

芝秀軒畜復白鷗頗馴近聞玉山園池欲得之
遂忻然籠去無難色是蓋不使太白胡公專美
于前也因製四韵詩借其行云
秦約

復禽曾未換復壁籠致草堂清絕塵李白多才今有
子胡公好事豈無人竹間飲咏池臺曉花底飛鳴鳥

興春更想金衣天際鶴冥冥廖廓與誰親

寓越溪寄玉山兼懷德輔

于立

玉山中春又回看春還有幾人來堂前梧竹性所
愛溪上桃花眼見裁願况題詩皆好句王褒作賦最
多才何時艤棹婁江曲共聽彈琴坐石苔

以花字韵奉寄玉山

袁華

大江日落東流急百丈牽船當到家誰同文酒宴山
館也勝連臂踏堤沙美人復歌青玉案仙娥獨駕紫
雲車闌苑瑤池兩清絕開徧秋紅小樹花

有懷梧竹主人山陰道士雲臺外史兼東龍門

開士

陳基

碧梧翠竹日扶疎長夏高堂可晏居
雲上故人時載酒山陰道士近無書
蒼頭掃石安棋局穉子穿花奉板輿
若見惠休煩問訊碧雲詩句定何如

婁上帝興奉東玉山

秦約

放船曉發婁之濱嫋嫋擘音何處聞
巴王廟下樹如戟黃姑堂前花似雲
河流虹影向江去日落玉氣隔林分
憑高望遠應有思自數秋風鴻雁群

至正庚寅十月八日吳水西袁子英憇余寓所

有懷玉山匡山雲臺以端字為韻

釋良琦

蘭若清溪曲苔蹊宿雨乾閉門書自展
扣竹客相看蓮社容沽酒松旁可掛冠
風流成雅會慷慨矢出惟日落江聲急
山空玉氣寒桃源人已去柳徑菊初殘
簪盞賓朋集田收秫米寬鄭莊元好客
陶令獨辭官得意迂于好才追短簿
難交游敦道義出處共盤桓昨日山行
樂連朝興未闌孫登嘯絕響靈運屐寧
剌眺遠欣情豁臨深怯股酸石竒翔鳳
舞池碧老蛟蟠曲磴與頻憇蒼崖向欲
刊披烟行磴确拂雪到噴岏岩橘黃登
俎哇菘綠在盤空迂長者轍真具腐儒
食

聚合驚雲散，睽離見月團。
鹿鳴還自咏，流水不成彈。
鴻雁啼荒浦，鳧鷖落暮灘。
冲襟聊一寫，搔首睇雲端。

次韵梧竹主人詩奉柬

黃公望 子久

片玉山前人最良，文章體物寫謀長。
古來望族推吳郡，直到雲仍姓字香。

花檻香來風入塵，雕籠影轉月穿櫺。
鉤軒平野連天碧，排闥遙山隔水青。

竹裡行厨長准備，濁醪不用惱比鄰。
文章詩酒時時醉，花菓園林處處春。

人生無奈老來何，日薄崦嵫已不多。
大抵華年當樂

事好懷開處，莫空過

月下懷玉山隱君

陳基

初月照川上，槐翳繁柯離。
居感流景悵，望奈君何。
夕露下芳草，涼颼回素波。
歸哉玉山下，日夕共婆娑。
別後聞入杭賦詩以寄

柳洲寺下絲竹繁，蘓小墓邊風日暄。
天開十里水如鏡，雨過六橋花欲言。
画船夜聽孤山鶴，鉄笛曉驚西竺猿。
歸來相逐桃源上，為唱竹枝傾綠尊。

姚子章人回知騎從，在杭即欲渡江一見通。
中得書聞已歸玉山，中遂成悵然因寄

聞住西湖十日還冷泉亭下水潺湲錢塘東去直到
海于越南來總是山情逐斷猿明月夜興隨孤鳥白
雲間玉山池館花無數應待幽人一破顏

古體一首有懷玉山次沈自誠韵 郊韶

亭亭古崑丘上有瑤樹枝仙人居其間服食忘神疲
朝馭羲和車夕咏金臺詩我曾與之游中夜夢見之
御氣周八極迫焉人世違青雲忽氤氲白鶴長鳴悲
以茲嬰世網一墮東海涯安得浮丘公扶舟候安期
西湖酌別便欲過草堂因允未果小詩二章奉

寄稍涼當買舟相晤也

九成

片玉山中結草堂門前流水似滄浪竹陰戾几琴書
潤花氣薰憲筆硯香四海詩名唐李杜一時文采漢
班揚近聞高士增新傳好紀淮南老更狂
五月西湖載酒游芰荷香裡雨初收黃蜂飛近花邊
坐白鳥來依柳下舟佩服盡從唐制度笑談不減晉
風流出期莫更歌招隱擬趨西風桂子秋

龍門山人玉山主人以詩名著海內僕景慕久
矣敬以敝寺六咏求品題之就寫長句奉東
良圭書于懷晉軒

二子風流迥不羣詩名海內每傳聞苦吟杜甫行日
午覓句湯休坐夜分開籠放鶴好明月拄笏看山多
白雲寂寞滄江舊蘭若品題亦欲托高文

絕句二首奉邀玉山主人到城兼柬雲臺龍門

兩作者

陳基

白馬銀鞍照地光秋風新試紫游韉傾城冠蓋皆相
過只少山陰道士狂

真率相筍味最佳山童和蒂摘秋瓜夜深石鼎聯詩
處定在雲臺外史家

長句一篇筍別草堂主人并柬匡廬外史周砥

玉山草堂絕清妍
畫圖書卷置兩邊
長松落子當窓
前鶴踏芝雲舞翩翩
碧梧翠竹搖秋烟
鳳凰一鳴三
千年松溪石磴相周旋
綠蘿飛花百尺懸
草堂主人
真晉賢手持麈尾談重玄
傲倪萬象心炯然
示我新詩三百篇
瀑流倒瀉挂青天
匡廬先生乃謫仙
滄浪高談驚四筵
樂府不寫金花牋
日日江頭浮酒船
愛我草聖如張顛
酣歌草堂屋西偏
醉來狂歌舞蹺蹺
共入芙蓉花底眠

暮歸有感寫寄玉山

鄭元祐

嗟我生不如蟄虫猶知坯戶以禦冬
冥收古今趣老

態飢驅東西無定踪早起厭輾生塵釜暮歸驚聞定
夜鐘百年能幾乃役役後凋輸與東陵松
山人常年遇有秋尚爾不免飢寒憂左脫難臨乞米
帖中腸只憶監河侯倉紅能飲李斯鼠醉態且舞檀
卿猴瓶儲有粟可飽我起踏北戶看星流

至正十一年秋七月華亭郭氏子做宋局製鸚

鵝研弋陽山樵李瓚以金購得持贈玉山且

歌詩銘云

明德

端溪文石質如玉下若涵蒼上標綠良工採材山之
麓琢磨精緻若膏沐製成鸚鵡殊不俗尾羽脩脩頭

頭曲局以味咏枕水盃掬姓陶者泓寔其族松煤為
雲內瀦畜辭章統緒決川瀆繫仲瑛甫誠善續

聞玉山中方編草堂續集吳興溫生扶中山毛

穎往見因賦詩以華其行 陳基

我愛玉山賓主賢契諧金石晚彌堅評詩不數齊梁
末論字唯推魏晉前別墅新題人共賦草堂高會世
爭傳更須闢館延毛穎收拾英華續後編

游玉山佳處寫贈仲瑛

趙奕

我愛玉山奇絕處碧梧翠竹映闌干軒窓傍水琴書
靜樓閣連空宇宙寬山色溟濛還淡淡湖光瀲灩自

漫漫登臨縱目無窮處落日西風作暮寒

玉山索蟠松因登天平得二本移送玉山主人

漫賦

良琦

崑丘好鳥來雲岩口銜仙人雲錦箋開械讀之見深
意願乞蟠松數枝翠踈雨落葉迷秋山狡齒便躡苔
班班龍門直上三百尺石屋徑度雲幾間東林西林
何宵冥前山後小還獨經青黎不畏虎豹跡白首要
見虬龍形華蓋峰頭最高處偃秀盤竒迤兩樹僕奴
驚叫答空谷鳶鵠翻翔入烟霧大株倒挂蒼崖顛小
枝橫歌寒澗邊乾坤凝結大初氣蛟蜃飛騰千丈淵

沙土錚錚試長鑊險石忽奔雷電落淒籟含風木客
嘯深根出地山靈愕祝爾嘉詞爾應喜致爾佳將歸
玉山里忽愁凡卉妬清標珊瑚琅玕森共倚後三千
歲常青青根下早着成伏苓仙人服之生羽翼他日
相期遊八極

寄玉山兼柬匡廬外史

陳基

美人不見已三月日日相思賦角弓興發頗疑詩有
助夏來翻訝酒無功未湏結客遊樊上却擬移家住
灤東與報匡廬于外史新醅宜壓荔枝紅

歲暮有懷寄玉山兼柬彥成子英 良琦

城府一會面塵埃各滿襟匆匆官寺飯草草市樓斟
歸棹隨沙月飛帆拂渚禽妓裝紅照水仙侶玉為林
完近梅花早溪清竹色深佳兒候門喜好客向筵臨
閣煖簾圍綉香溫鼎錯金酥杯春酒味錦瑟夜絃音
賀老狂猶在袁安瘦不禁文章會友社團墅憶君心
池隔茅亭靜小當雪洞陰想聽松子落應念野僧尋
世態今輕薄江湖有陸沉卷阿誰復賦招隱且高吟
時見妖氛息年催雨雪侵新詩肯相慰把玩比瓊琳

笠澤有懷

陳基

碧梧翠竹鬱參差艾納流熏綉幕垂瑤管隔花聞度

曲画屏燒燭看圍棋坐延太乙青藜杖倒着山公白
接籬何日扁舟還蕩槳為搦同醉習家池

將往三沙有懷玉山徵君會稽外史

三沙舊稱三洲

海門自與碧天通獨馭靈槎遠問東一道銀潢秋浪
白三洲金刹日華紅龍吹花雨慙聞法鳥語雲樞喜
報風無奈思君重回首依依江樹送冥鴻

至正壬辰秋過馬鞍山登疊浪軒酌龍洲先生
之墓俯覽江流渺然遐思慨風土之昔殊嗟

人生之契濶有懷玉山晉道賢昆仲

秦約

江靜波明蕩白沙搖搖画舸似乘槎蕎麥花開散晴

雪柯祀子結爛頽霞三吳風土曩昔異二陸才華耆
舊誇蹇予清嘯睨寥廓槽頭新酒不須賒

正月四日夜宿溪上有懷玉山

良琦

白日西沒江東注客子舟航暮城住自緣舊好數經
過頗為微名蚤馳騫風前野碓響初夜雨外漁燈映
深樹美人不歸烟水寒渺渺何由寫心素

律詩一首寄玉山徵君以寓瞻慕之私

徐緬

翠竹碧梧池館好玉山佳處意無窮輞川賓客文章
盛京洛衣冠書問通憲煖語聞鸚鵡巧杯深香泛荔
枝紅山川風物開清思詩句流傳字字工

姜東述懷寄上玉山

邾經

寂寞姜東寺經過歲暮時後凋松柏古亂點石苔滋
方外尊吾友龍門得老琦十年今已遇早歲故相知
震澤三江入虹橋五色垂水西春酒熟花下晚樽移
聯句旋題竹笛餐更折葵那知俱是客各以業為師
連社招呼費茆堂出處早也馳支道馬而尚習家池
何物 翔如人舞恠遠遂全兄弟急豈但友生疑
落落情偏好悠悠事莫期參商天上路萍梗海之涯
嚮憶身猶白前修道不緇君攀獅子座我把桂花枝
吳子非無學周 為龍津終再合豹管未容窺泥

淨復扶掖燈明共奕碁笑言方款洽交誼便堅持好
客囊羞澁捐人佩陸離初筵俄列豆屢舞竟揚卮醉
揖却輕別醒吟每重思優哉聊復爾舍此欲何之伐
木鳴幽鳥緘筒寄阿誰玉山投美璞珠水照摩尼為
說饒清事徒遊盡白眉載觀名勝集多是故人詩自
笑如張翰何煩識斯江颿風去逆林館雨笛邊紫
硯玄香潤紋憲斐几宜翔鳶開粉紙直髮引烏絲燕
坐書成癖窮探字識竒雄文毛穎傳小隸武梁詞韓
柳文章在雲龍上下隨兩家才並立千喙語難追小
子真狂簡前賢具點嗤百金寧取直三絕且聞癡漫

與非神品居然奉令儀異時傾孔蓋八字讀曹碑回
首高飛隼行歌倒接羅列溪歸野性泌水樂忘飢開
閣延疏廣韋編拾散遺儒冠傲軒冕農耒力菑蓄明
月懷人遠長林鼓瑟悲尋常要久契翻覆訝群兒願
把平生意毋求小有疵矢心同白水披腹獻丹墀判
袂寒潮送還家夜雪吹上人遙頽愷憑謝拙言辭

苔梅一枝賦詩四韵奉寄玉山翁 良琦

折得南枝古澗傍千年風骨老冰霜珊瑚出水盞花
濕鉄柱含波石髮香可獨詩情東閣准也知春夢灞
陵長所思何許遥相慰憑仗寒英寄草堂

虞山道中有懷玉山微君

郊韶

言偃宅前湖水東
千門楊柳綠搖風
一蓬山色斜陽外
半夜雨聲春夢中
獨客年年如旅燕
行人草草似鷺鴻
芳洲杜若憑誰采
心逐寒潮處處同

湖上感事漫成四絕奉寄玉山四首楊維禎

湖水碧于天
湖雲薄似烟
鴛鴦不經亂
飛過岳墳前
湖水明于鏡
湖泥濁似涇
祇應萋血在
染得水華青
海嶠浮西日
閨梁轉北風
蘓郎書未返
愁絕雁來紅
將石星空墮
靈山鳳不飛
惟餘灞頭水
西去復東歸

漫興一首呈上玉山道丈

郭翼

前月海寇入郡郭
病裡移家愁殺人
桃花野屋苦多雨
楊柳清江無好春
誰似龐公居隴畝
自慚杜老在風塵
草堂夢寐驚相見
把酒論詩月色新

漫興一首呈玉山社長

陸仁

萱花葵花五月繁
清遊還過辟疆園
艱危避賊愁仍絕
感激逢君思欲騫
信有諗人如巷伯
豈無佳士報平原
坐深池閣偏幽寂
更洗寒泉為滌煩

修城口號似玉山主人

秦約

春城連海亘虹霓
雉堞桓桓補甃泥
搃謂軍儲仰吳下
只怜邊釁起淮西
千旂影逐流雲動
萬杵聲散高日落

日低安得韓彭為上將載光大業撫黔黎

漫興一首用郭仲義韵似玉山詞長 沈明遠

近知消息苦難真一日千迴憶故人極目烽烟迷黑
海驚心花鳥惜青春清談王衍休揮塵多事元規已
污塵重上高臺見君面碧梧翠竹喜清新

漫興一首呈玉山主人 于立

五月田家未足秧孺邊水鶴近人長溪流到海無百
里潮汛乘風矢萬航春樹暮雲迷遠近南山北斗自
低昂相思相見真如夢莫惜題詩卧草堂

夏五月過玉小草堂見婁江諸故人漫興之作

遂繼咏

釋良琦

梅花發時海寇去相見要令懷抱開乍喜豈論生理
事空言獨歎濟時才桐花金井鶯散過月色涼臺鳳
吹迴不得清吟會諸老履痕猶在竹間苔

至正壬辰九月十二日過玉小草堂留別山中

諸公

周砥

五陵豪英不足畏丹徒布衣那可輕萬事豈皆合天
道偶然遇之亦成名我今困乏窮谷底青雲之志何
由平愁來飲酒一百杯拔劍高歌淚如傾歌散悲壯
君試聞江漢茫茫氣欲吞附鳳騎龍豈難事屠狗膾

牛何足論諸君古鄉舊知己會面那得無
惟言平生心事難盡道且復痛飲花下樽
明當大醉樓船上橫吹玉笛過吳門

與客登望樓作錄寄玉山主人 二首 鈇崖

蚤子雨開江上臺江頭野老不勝哀
蚤將樓閣空中落鱸引旌旂月下來
保障許誰為尹鐸事諧無復問
又開可憐歌舞舊城闕又是昆明幾
劫灰嫋嫋秋風起洞庭銀州宮闕渺
空青客星石落江龍動神馬潮來海
雨腥弱水無時通漢使赭峯何事受
秦刑遠人新到三韓國中土文明聚
五星

陪趙仲光顧仲瑛遊崑山 袁華

林空秋高絕點埃
画船載酒對山開
霜明遠浦蕙葭老
木落空江鴻雁來
魏國王孫多麗藻
華陽真逸有
仙才翠微閣下
經行處重為題詩
拂紫苔

游崑山聯句詩并序 袁華

至正八年春二月十又九日崑山顧君仲瑛
以書來招致予明日即顧君所又明日命
百華舫集賓客自余而次凡六人朝發自
界溪出津義浦過九里菴轉金溪午泊舟
駟馬橋下換輿騎入慧聚寺寺主僧然叟

出肅客上神運殿見石甃壁其二出天成然
云此嚮禪師開山時鬼所運也遂登玉山山
首昂脊凹狀類馬鞍故俗名馬鞍山其昂立
石幢與瓊蘓塗相角者又號文筆峰云東見
滄海晶晶然無際水與天相涵北海樹中見
孤嶼隱起滄滄然云此虞山也秦伯虞仲所
居故名已而大風動石磬如大波濤衣帽掀
舞愀然不可立然叟頷客憇翠微軒閣呼山
丁作茗供觀嚮師虎化石山下讀唐孟郊張
祐宋王安石詩于東壁然作合掌禮云地由

玉峯勝玉峯又由人而勝自孟張王詩後絕
響久矣願吾子繼焉余諾之西廡僧應又招
憇來青閣盛出佳紙墨求詩余遂書玉峰詩
云

大風動落日人立玉峯頭禪將風虎伏鬼運石羊愁
地平小北顧天斷海東流颺車在何處我欲過瀛洲
諸客各和詩又復聯句用江字窄韻推余首唱
諸客以次分韻余又疊尾韻成若干句畢願君
錄詩請序且將刻石壁左方昔王逸少登烏山
願諸客語曰百年後安知王逸少與諸卿至此

予吁此羊叔氏峴山之感也今吾五六人俯仰之餘倘無紀述百年後又安知玉萃之遊有吾五六人也遂叙客曰京兆姚文真淮海張渥吳興郊韶匡廬于立余會稽楊維禎也

二月廿二日

樓船下婁江破浪繫長艣
禎鷲颯高杠海峯搖古色
真石樹鳴悲腔躡蹬履
齒齒渥登堂鼓逢逢地險
立孤柱韶天垂開八憲
烏升海光浴立爲牽風力降
番成夾閩佑瑛越謠襟
吳寵仙樵推結萃真胡佛四
眉龐婆律噴獅鼎禎琉璃照
龍缸層軒坐疊浪韶落筆
飛流滌爰此韜玉石立豈曰
取火砭文脉貫琬琰

瑛蜜韻含髡缸驅羊欲成萬
禎種僻得獲多今文章

伯渥萃此禮義邦龍駒幸識陸
真鳳雛亦知龐翠筭棹文舌
瑛茜袖折幔幢敏惡抽連蠶
雄心鬪孤擬句神躍冶劍才
提下水艘磬聲重寡和鼎力
輕羣扛昆渠詩已就誰笑隴
頭灑禎

至正十年秋八月間玉山隱君偕蕭元忝鄭明德于彥成郊九成琦元樸遊天平余笛笠澤不得與此遊乃賦詩一首以寄

陳基

玉山仙人溪上來千樹芙蓉錦綉開
每爰于郎偏好道更憐郊椽最多才
題詩有約龍門去載酒應從鄭

谷回好事相傳作圖畫也須著我生莓苔

寒泉

顧瑛

九月上支硎寒泉亦有名流雲微有影落澗細無聲
坐石宜舒嘯臨淵可濯纓杖藜雖屢到終不似秋清

前題

陸仁

石罅湛寒泉不受泥沙穢只向山中流不出山前去

八月廿三日芙蓉花下留南宮岳山人飲明日

岳山人過玉山南宮老矣不知復幾聚首觀
花聽琴情不能堪因賦長句并柬玉山
倪瓚

芙蓉着花已爛熳酌酒彈琴聊少停數聲別鵠隔江

渚一醉秋天空玉瓶况當賓客欲行邁忍使風雨即

飄零攀條掇英空惆悵但願花開長不醒

袁子英來承惠崑山小峰峭絕可愛敬賦詩廁

諸閬州歌松之間云兼柬玉山隱君
張雨

崑丘得此豐年玉眼底都無太華蒼隱若連環脫仙
骨重于沉水辟寒香深根立雪依琴荐小孕生香潤
筆牀與作先生恠石供袖中東海若為藏

義興吳國良用桐烟製墨黑而有光燄膠法又
得其傳將游玉山輒賦詩以過其行云
倪瓚

生住荆溪上桐花收夕烟墨成群玉秘囊售百金傳

孰謂奚珪勝徒稱潘谷仙老松端愧汝膠法更清妍
海子橋偶得一詩奉寄玉山 王蒙

暮登海子橋西繞江門歸霜風着宮樹葉葉帶紅飛
撥鞍吹短笛乘月搥征衣江南冰雪裡音信寄來稀

近體一首奉寄玉人主人 僧覺照

草堂東望白雲深主人愛書如愛金下榻每因楊執
戟得句長懷友道林松花樹滿可為酒竹笋隔簾成
綠陰我欲乘閒遠相過坐對石床彈玉琴

唐律四首奉寄玉山徵君 僧至真

草堂風物靜朝曛春日題詩每憶君澗底松清疑過

雨山頭玉氣搃成雲神鵬未展溟南翮天馬能空翼
北群會見丹陽為內史笑揮白羽樹高勛

老去高情獨放歌新亭結構近滄波狎鷗泛渚知人
意稚子應門喜客過山色湖光春浩蕩碧梧翠竹雨
婆娑絕勝池上山公子醉着江東白鷺簑

小迳升堂舊不斜出居渾似杜陵家五株菴樹當春
草一帶溪流入浣花每自放船歌白苧也從漉酒脫
烏紗風流更憶瀛洲客應獻安期棗似瓜

春到江南野水濱絕憐幽事搃相親風飄玉雪楊花
落雨濕琅玕竹樹新洗硯時時臨晉帖賦詩往往似

唐人向來為識江村路
州日過從莫厭頻
小蓬萊

小蓬萊

吳興趙孟頫子昂篆顏

顧瑛春題

鶴群長遠三珠樹
鰲背高瞻五色

雲

玉山璞稿

金粟道人顧瑛仲瑛著

巫峽雲濤石屏志

謝家綠玉屏不琢龜甲形
方若陟釐紙粉縹帶苔青
秀潔庚庠絕文理十二巫峰橫
隱起芙蓉照影立亭
亭遠落巴江一江水素湍洶湧翻綠濤
長風吹雲白
月高三峽瀑聲滿人耳
箇中獨欠孤猿號
胡僧漫有金壺汁
洒向素縑圖
不得女媧鍊石作五綵
點染料應無此石
產景由天工
略假石人磨削功
石色欲盡玉色起
沉沉天碧涵青空
君不聞大食貢石瑩如玉
中有奇松四時綠
六月涼風捲翠濤
瑟瑟秋風戰空

屋又不聞楊家古屏刻水精中有如雲之美人海綃
衣裳為烟霧姓名自語非真二二物化去固已久價
重墮珠難再有君家寶屏獨在世勿落忍人豪奪手
我聞故人楊鉄仙束帶拜之如米顛起來發狂捉鉄
筆醉墨寫入青瑤鐫何日乘車上魚復喚取巴童唱
巴曲夏借丹丘粉墨屏對案巫山真面目

予嘗住震澤聞松陵謝氏伯仲賢而好事而予
水仙之舟未得一造其所今高君叔彬携此
卷至別業求題且知楊鉄崖亦到湖上由是
益知其賢而好事故寄長詩一篇寄題寶屏

他日或飲君薔薇花下幸出此為張本云至正
乙巳七月廿一日金粟道人顧阿瑛書于合溪
別業

金粟冢中秋日葵集 附生壙銘

嘉樹蔽日涼颼散烟展席藉草待月臨川簪盃既合
飲芳割鮮歌斯哭斯以終餘年

綽石古佳城左股接崑丘水作青龍來九派盤
遭週道人金粟塚在彼山之幽團團青桂樹枝
葉相蟠膠石削華表主碑刻金窠鏤人身無百
年胡乃三彭仇四大偶一失九丹不能瘳肉血

潰臭腐不朽惟鬪骸棄之道路傍行者得溺漫
狐狸與蠅蚋食噉紛相仇欲貽後之人以掩面
目羞烏兔互出沒急行不入郵縱有萬丈繩誰
能繫之笛煖穴競螻螿涼風滅蜉蝣榮名乃何
物汲汲將奚求金谷珊瑚樹天網一夕收美人
化黃壤燕子巢空樓大印佩六國散金駝八騶
一朝不得志車裂徇九州秦皇與漢武靈藥採
仙洲上棺葬地底金鳧出海陬梨花自寒食夜
雨鬼啾啾飛錢化蝴蝶走燐鷲鷓鴣混沌鑿不
死儻忽何能休丈夫不解事老大傷白頭何如

種秫米壓酒日日芻今夕三五夕我已為君謀
長跼置十斛百結青絲兜截江取紫螿攀樹得
紅榴周垣沒茵席矮几陳脯修步登白雲屏待
月豁醉眸劃然白蝦蟇抱出黃金毬又若摩尼
珠躍出驪龍湫吞吐大地影晃漾東南浮老兔
玉杵臼搗作人間秋寶城三千里縮影歸遐陬
宮殿魚鱗騫草木秋雲稠素娥騎彩鳶舞雪翻
霓表手折琪樹花競拂金精流化為五素芒落
我白瑤甌持滿向君語借箸請為籌十載苦國
難豪杰紛戈矛鴻門碎玉斗桃園宰烏牛戰血

澗野草餓等填荒溝我時挈妻孥夜泛苔雪舟
有見縮兵符承之萬戶侯三年盡忠歸身作犯
官囚平生萬卷書怒焚遭鬱攸廬墓讀內典守
節事清修親友散如雪雲樹空悠悠獨爾數君
子艱棘見何由今聞王師出卒伍皆兜鍪弄刀
走官馬千里風颼颼桓桓李將軍大旗函蚩尤
去秋奪汴城今復追大酋叱兵泗水上添灶扼
賊喉東南貢米粟連網起歌謳我曹幸無恙坐
見恢皇歆酒旂指南斗今茲會綢繆請起各稱
壽我亦相勸酬群才盡敏捷用作釣詩鉤青山

忽大笑此意君知否呼童酌大白酬此土一杯
他時蓋棺了神隨和氣游巾揀空中華撒手鞭
蒼虬東海招若士西池訪阿緱共看麻姑爪當
座劈筥篋不必兒女泪暗洒窈窕愁達哉司空
圖吾今乃其儔大書勒崖壁永絕生前游
題趙仲穆画看雲圖

青山與浮雲終日淡相守山為雲窟宅雲為山戶牖
無心成白衣有意變蒼狗人情亦如雲寄語看雲叟
次韵劉李章治中邊夏仲信郎中游永湖詩二

金粟寺中公解靜白晝事閑如沼蒲沙棠為舟穩可
汎即官之河今豈無咏花鸚坐水楊柳雪藕人歌山
鷓鴣日西上馬踏歸路小隊高呵鷲道吾
湖上筵開張水戲捲幔涼風吹短蒲火魚聽樂浪頭
出小艇賣花城內無丙鼎庚庚識饕餮甲煎班班炙
鷓鴣酒酣賦詩動海色覲紙楷書能寄吾

次韻觀帖之什

水如葵尾出湖分合入長溪直到門韋杜桑麻元兩
曲朱陳雞犬却通村換羊賣馬囊中帖剝瘿懸匏竹
裡樽日乍煩君來閱賞扁舟短纜繫籬根

次韻癸卯除夕

仰觀北斗轉遙天春在寒鑪爆竹邊夜到粉盤循舊
俗曉看羅帕賀新年燒餘葶蘆生當路雪後梅花開
滿烟不用鞭灰覓如願客囊剩有酒家錢

次韻甲辰元日

異鄉元日身強健兒女欣欣各有家木秀連莖秋合
穗雪裁五色曉分花天開魏象星辰逼地接幽燕道
里賒三徑不荒松竹在白頭且覓醉生涯

夜宿三塔次陳元朗韻

水落南湖不露沙又牽舫子到僧家春浮大斗娟娟

酒寒隔虛櫺薄薄紗半夜塔鈴傳梵語一林江月見
梅花坐來詩句生枯吻指點銀瓶索煮茶

海上留別復初長老

通玄寺裡遊三日剪剪輕風逗薄寒一樹山茶開朶
朶五更百舌語般般看小且喜秦州近把酒休歌蜀
道難不得携筇上金粟摩挲天冊舊碑看

趙仲穆臨李伯時鳳頭驄

君王不愛碧銜霞獨愛真龍被紫花珍重王孫親貌
得錦巾祇送野人家

房山画

渴龍飲海海水寬缺網下截珊瑚寒道人醉臥叫寒
玉金粉亂落松花壇

甕牖圖

道之不行謂之病財之不給謂之貧賙也能言心未
識虛勞結駟踏清塵

顧宏中画韓熙載夜晏圖

銀燭金鑪夜若春紅妝一顧一迴新觀圖不獨丹青
美又必知其繪画人

補之竹卷

碧眼胡兒叫橫玉落日如盆照茅屋美人清夢斷梅

花却寫相思在修竹

乙未和孟天暉都司見寄

江頭日日惜芳時三月春光兩鬢絲
拔劍自歌還自舞
舞邑人誰識虎頭痴

治安無策濟時艱始信金銷壯士顏
怪底颶風翻漲海浪頭一直過狼山

獵獵東風吹火旂水軍三萬盡精肥
一春殺賊知多少箇箇身穿濺血衣

樓上人家不識春簷頭蛛網亦生塵
朱門桃李皆零落只有東風未嫁人

聞道君王自早蒸每虛前席問江南
何人整手如秦緩有客能碁似李慙

題趙子昂画楚江春曉

東方旭日出瞳矓照見巴江似曲弓
莫遣猿聲到巫峽山頭猶有楚王宮

自題画像

儒衣僧帽道人鞋到處青山骨可埋
還憶少年豪俠興五陵裘馬洛陽街

往鳳陽次虎丘

柳條折盡尚東風杼軸人家戶戶空
祇有虎丘山色

好不堪又在客愁中

寄琦元璞

雞籠山下野人家
破曉寫詩邊品茶
秋風過樹落紅葉
夜雨滿溪流白沙

題文湖州竹

湖州昔在湖州日日逢人寫竹枝
一段枯梢作三折分明雪後上憲時

附虎丘十咏

玉山主人顧仲瑛

觸石起膚寸悠然散千頃
我來坐東軒妙趣心莫領

千頃雲

雪沒群山盡天垂落日懸
憑虛俯城廓隱見

一絲烟

小吳軒地圻重淵積人亡寶劍藏千年
新崖

月何處照龍光劍池劍試一痕秋
崖傾水斷流如何

百年後不斬趙高頭
試劍石海湧如來室
清涼即五

臺春風山頂雪飛渡雁門來
小五臺生公聚白石塵

拂天花墜可憐塵中人
不解點頭意生公臺塔倚高

標立樓深一竅虛海風吹幻影顛
倒落芳渚塔影

高閣對西山飛嵐落几間
開襟致秋爽心與白雲間

致爽閣何處貞娘墓雲埋斷石根
夜深風雨急誰喚

海棠魂真娘墓雪霽春泉碧苔侵石甃
青如何陸鴻

漸不入品茶經 陸羽升

雪霽願仲瑛偕予與陳惟允坐劍池上惟允為

寫圖因賦詩云

郊 韶

殘雪落林度西嶺古澗寒泉凝素綆孤僧倚樹聽微
吟一鶴臨流照清影

松間旭日映小樹白雲英英如雨飄何當為置王摩
詰更添幾葉紅芭蕉

顧瑛次韻

飲澗長虹挂深嶺千尺轆轤斷修綆夜寒月黑鬼賦
詩白日清風人寫影

藤蘿陰陰蔓山柳長松落雪如花飄煩君画我掩書

卧憲前更着青芭蕉

玉山顧瑛仲瑛

和楊鉄崖宮詞十首唐調明皇
天寶事

天寶雞坊寵賈昌宮中蝴蝶滿釵梁錦綉浴天驕
子絳節朝看王大娘芍藥金闌開內苑葡萄玉觥酌
西涼月支十萬資胭脂粉獨有三姨素面粉

蓮花池畔暑風涼玉燭迴文寶篋光貪倚画屏看翡
翠誤開金鎖放鴛鴦輕綃披霧誇新浴墮髻歌雲衍
晚粧咲指女牛和語處殿生殿下月中央
五色卿雲護帝城春風無處不閑情小花靜院偷吹

笛淡月閒房背合箏鳳爪擘柑封鈿合龍頭馮酒下
瑤罌後宮學做金錢會香水蘭盆浴化生
龍旂孔雀擁鸞幢步輦追隨幸曲江鳥道正通天上
路羊車直到竹間窻桃花柳葉元無恨燕子鶯兒各
有雙中貴向人言近事風流陣裡帝先降
悶閣香殘日影移燈分青玉刻盤螭琵琶鳳結紅文
木絃索蚕縑綠水絲金屋有花頻賭酒玉杵無子不
彈碁傳宣促發明馳使南海今年進荔枝
近臣諧謔似枚臯侍宴承宣得錦袍扇賜方空描蚨
蝶局者復陸賭櫻桃翰林醉進清平調光祿新呈五

色醪密奏君王好將息昨朝馬上打圍勞
虢國來朝不動塵障泥一色綉麒麟朱衣小隊高呵
道粉華新題徧寫真寶雀玉蟾簪翠髻銀鵝金鳳踏
文茵一從羯鼓催春後不信司花別有神
五王馬上打球歸贏得宮花獻貴妃樂送閭門邊奏
少禍因臺寺諫書稀侍兒隨幸皆頌紫骰子蒙恩亦
賜緋姊妹相從習鼓舞何人能製柘黃衣
新製霓裳按舞腰笑他飛燕怕風飄玉蚕倒卧蟠條
脫金鳳斜飛上步搖雲母帳前齊奏樂沉香火底生
吹簫只因野鹿銜花去從此君王罷早朝

宮衣窄窄小黃門躑躅初開賜縹盒夜月不窺鸚鵡
冢春風每憶鳳凰園爰收花露消心渴怕解金訶見
爪痕只有椒房老宮監白頭一一話開元

玉鳶傳

玉鳶不知何時人或曰吳仙君女采鳶別稱也龍頸
兔唇面七竅鑿混沌得不死術初漢祖入咸陽獲昭
華瑄氏驚異之豈其裔歟性嗜音律遇善者叩之隨
大小輒響應劃然長嘯則風雨散自九天至龍為之
吟蛟為之泣谷應坑滿人異其術爭聘之鳶誓曰得
驪珠萬顆走盤貫索圓轉不絕者即結髮事之東海

鍊龍君聞之輟然喜益以琳球琅玕鮫人迴文錦連
理珊瑚鈎鸞笑曰龍亦良耦哉吾所以待聘者將以
愧後世相如文君之為也既耦騎鶴往來婁江山水
間人疑龍為蕭史鳶為弄玉也帝鴻氏在洞庭野張
廣樂龍鳶與焉帝使各售其伎龍鳴剡而清鳶鳴溫
而和帝嘆曰治世之音其玉鳶乎龍恥辭去客于鉄
仙門下居六客之右鉄仙更築七音寮以處之仙嘗
憮然曰汝神物間氣也心雖不相能終復合爾謂其
友片玉山人曰若能使離者合乎山人曰鳶時時偕
鳳皇來鳴吾小椒殼甚淒麗意若求伉者今七月七

日之夕天女紅織帝命嬪于河鼓焉必送之使鉄龍
倚樓作鳳求皇曲某復鉄仙語招之焉不敢辭矣如
期焉自駕湖借彩雲翔翔雲間聞鉄龍吟曰此必鉄
仙人悲嘯何音響瀏亮若是吾誠與龍君忤不可負
山人遂請與俱造七音寮鉄仙聞焉在門倒屣出迎
躬撫視之不知從前席也龍知焉來鏗爾舍面甚埃
墨未肯見鉄仙啞爾曰金石八音領袖也兩賢苟相
阮聚九州之英豈足以鑄此錯耶手携龍出交拜之
客以次皆就見是夕仙具龍鮓鹿脯酌以十八仙酒
酒酣八音交作合于桑林之舞經首之會少焉白龍

沸于潭皓鶴和于陰百獸舞于野鳳皇翥于山白雲
紫露盤旋于仙人之廬聞之者莫不恠其風作水湧
過嘉澎湃以為雞尤樽櫺皆上升矣翌旦鉄仙更製
沉香閣古錦屋使焉別居之出游必二人侍後皆隱
于九龍峰云
論曰昔張華云斗牛間有紫氣雷煥謂寶劍之精上
徹于天爾後豐城獄中得龍泉太阿則雌雄劍二也
鉄仙人負不世出之材以正始之音鼓舞一時人有
奇才異能者咸樂登其門若玉焉者既遇山人徵鉄
仙人則龍焉寧于江海間泯泯無聞焉吁世有華煥

然後有龍泉太阿吾于鉄仙亦云

玉鸞淫

楊廉夫昔有二鉄笛字之曰鉄龍今亡其一偶得
蒼玉簫一枚字為玉鸞以配鉄龍廉夫喜甚以書
來索賦玉鸞淫誌来自云至正甲午三月既望界
溪顧瑛書于柳塘春

七寶城中吹玉笛舞按白鸞三十隻箇中小玉號細
腰尾拂廣陵秋月白伐毛脫骨秋風裡素頭圓長尺
有咫中虛一竅混沌通上有連珠七星子羿妻久閱
結璘臺弄玉求之遺簫史調得仙家別鵠聲吹落虎

頭金粟耳桂園仙伯楊鉄翁昔叅洞庭獲鉄龍雌龍
入海去不返雄龍鰓處瑤林宮宮中夜夜泣寒雨出
咽悲啼作人語燃犀莫照玉鏡臺買絲難繫藍橋杵
虎頭憐之為媾婚并刀剪紙招鸞魂鸞之來兮洞房
曉恍然枕席生春温鉄仙翁笑拍手左瓊瓊右柳柳
瓊瓊細舞柳柳歌起勸虎頭三進酒画堂龜甲開屏
風翠烟凝煖春雲濃大瓶酒瀉鸚鵡綠滿頭花挿鴛
鴦紅鸞兮運居巢龍兮弄橫竹君山月落大江秋黃
姑星隕崑岡玉石酒再奏合歡詞且聽和鳴太平曲
太平曲斷還續一轉一拍相節促諧宮恊徵宣八風

寒谷能令生五穀龍鳶臺上鳳皇來萬歲八音調玉燭

題朱伯盛詩卷 有跋

神斧磨天割紫雲仙葩殞玉發竒芬靈書寶訣開剝
卵不數人間小篆文

書刻輸君搃色絲前身想是伏靈芝虎頭食肉元無
相鑄紐休傳左顧龜

我家金粟道人章瓦款盤螭識未央千古典型今復
見佩之何必獸頭囊

鏤玉塗金與錯銀畫將工巧失真君能獨掃雕虫技

定品他年同出神

伯盛朱隱君予西郊草堂之高鄰也性孤潔不
倭于世工刻画及通字說故與交者皆文人韵
士予偶得未央故瓦頭于古泥中伯盛為刻金
粟道人私印因驚其篆文與製作甚似漢印又
以趙松雪白描飛花馬圖求刻于石精妙絕世
大合松雪筆法惜其不得從游松雪之門使茅
紹之專美于今世因題四絕于卷末以美之伯
盛勿以予言為譽後有鑒賞者公論也至正十
七年中秋日書于玉山草堂金粟道士顧阿瑛

朱伯盛名珪此詩在珊瑚木難集中朱性甫先生手抄本錄出左右共詩六首

草堂五月少人過門巷泥深奈雨何滿樹枇杷鷺竊
盡一堦芳草蟻行多因思諸葛吟梁父却笑蘓秦讀

揣摩我老衰年為白髮從今也合號涪翁

憶昨相過寂寞濱白頭傾蓋豈如新驚回赤壁三更
夢開盡桃花一度春願我老為思櫪馬憐君遠作賦
樓人黃公壚畔三珠樹留待時來醉掛中



